

懷仁縣志

吉林多祿題



第三册
卷之五
民賦
卷之六
勳職
卷之七
兵事
卷之八
新政

卷之九
人物

懷仁縣志卷之五

民賦

古者不言治兵而言治賦賦出於民民即是兵與今日徵輸之法不同而其義則一也蓋民為邦本欲固邊圉湏先定民居欲定民居湏先足民食民食足而後閭閻自知捍衛保庶尤必保富此其要圖歟脩志向例戶口風俗載於地理編中兵賦別立一條一切稅則附焉茲以戶口風俗田賦合集成編各是編也即用民賦二字可見地方財用計出無非窮權之脂膏也教化所成不外草野之習尚也 刑罰薄稅歛孟子已盡得救時之道矣我

國家重熙累洽共慶休和懷仁荒徼初開

朝廷體恤邊氓沐

恩尤重引領來歸初非疆域所能限執版圖以相稽其生聚之繁愈覺有加無

懷仁縣志

卷五

一

已焉至若人民聚而風氣成畎畝均而課制定尤宜博採兼收考政者庶幾有所借資云爾

戶口

城關保 戶九百九十九 丁口五千八百四十五

雍和保 戶一千一百零九 丁口七千一百一十三

肇康保 戶三百二十九 丁口二千二百九十九

蕃康保 戶四百七十二 丁口三千九百三十

降康保 戶三百四十五 丁口二千四百四十

錫康保 戶七百八十六 丁口五千五百一十四

履康保 戶七百一十二 丁口四千九百三十三

阜康保 戶三百零四 丁口二千零一

建康保 戶三百零八 丁口二千零二十三

長康保 丁戶口三百二十五十七五

羣樂保 丁戶口四百七十九十三

豐樂保 丁戶口三百六十七五八十五

普樂保 丁戶口七千三百四十九

慶樂保 丁戶口五千九百零六

愷樂保 丁戶口七百七十六十八

平樂保 丁戶口八百七十六十二

熙和保 丁戶口一萬一千八百七十八

東時和保 丁戶口八千九百八十九十二

西時和保 丁戶口九千四百四十二一

永和保 丁戶口三千零四百零七

南煦和保 丁戶口七千一百九十三

懷仁縣志

卷五

二

北煦和保 丁戶口三百八十二二十五

東朋親保 丁戶口二千九百三十七十

西朋親保 丁戶口六千四百六十八

惠親保 丁戶口六千零八百一十八

恒親保 丁戶口七千九百八二十四

周親保 丁戶口七千三百零八十五

洽親保 丁戶口四千三百六十九十四

同親保 丁戶口四千一百七十七十二

咸親保 丁戶口五千四百一十四十

因親保 丁戶口一千九百八十二

睦親保 丁戶口五千零七百四十一

常親保 丁戶口二千八百八十二

太康保 丁口九百六十五百一十一

壽康保 丁口四百六十六百一十一

衍樂保 丁口一千零七十二百三十一

體樂保 丁口九百八十四百一十二

胥樂保 丁口二百一十一百一十二

昌樂保 丁口二百八十一百一十二

總計戶二萬五千二百六十二 丁口十七萬二千二百一十二

按自輯安劃界後本境所屬共三十六保現因時和煦和朋親三保地方較大山嶺中隔村屯聯絡相友相助有照顧不及之勢呼應遂難靈捷現已變通仍就原有保名化三爲六曰東時和保西時和保東朋親保西朋親保南煦和保北煦和保原三十六保現分爲三十九保

又按自光緒三年設治原立四十一保總計戶七千零四十有七丁口

懷仁縣志

卷五

三

二萬六千五百三十有一至光緒二十年總計戶九千六百五十有五丁口三萬二千三百三十有四至光緒三十四年除劃歸輯安五保外總計戶二萬一千三百二十有六丁口十四萬零二百四十有二宣統元年秋復實地調查總計戶二萬五千二百六十二丁口十七萬二千二百一十二較創時戶增一萬八千二百一十有五丁口增一十四萬五千六百八十有一來歸之速與生齒之繁於斯可驗所欲與聚所惡勿施長民者尙其加之意乎

論曰十年生聚以植自強之基居今日而論懷仁之民可謂庶矣問何以加之則曰惟富與教而已獨是邊地氣寒土薄歲僅一穫則謀富難終歲勤動自顧不贍則言教尤難况百事待舉均湏借資民力應如何斟酌盡善上不妨公務下不促民生以實心行實事日爲從政者殷然期許焉

徵收

每畝每年額徵正耗銀三分共徵銀九千三百四十八兩二錢五分六釐五毫

正賦額解每畝二分每年應解正額銀六千二百三十二兩一錢七分一厘

田房稅契

光緒三十三年分共收銀三千一百一十兩零三錢零二厘五毫

每年收數多寡不一

支銷

正佐廉俸每年共應支銀一千一百六十八兩六錢五分二厘四毫遇閏加銀六十七兩九錢五分

各役工食每年共應支銀五百六十六兩四錢遇閏加銀四十七兩二錢馬撥實支每年共應支銀二千四百五十一兩八錢四分遇閏加銀二百

懷仁縣志

卷五

四

零一兩三錢

囚糧光緒三十三年分共支銀二百七十四兩九錢四分六厘六毫

論曰傳云勞心者治人又云治人者食於人此爲天下通義然先責之以治而後計及於食則通義之所在尤必化行俗美人人共聽其治而治人者方爲稱職祿食即以酬勞也味乎斯言素餐尸位者將知所返矣

風俗

士勤誦讀多質少文自光緒三年設治後始定學額二名附興京教諭兼管風聲所樹人知向學日新月盛有蒸蒸蔚起之氣象自設學至停科得登桂籍者二人方今改創學堂皆知講求新學留心外務並不憚跋涉游歷以廣見聞者復有多人知見實事求是不驚虛聲農殷力作不憚辛勞邊地苦寒歲僅一穫而傭值過昂是以耕種之法不

如內地之精密所幸生荒初墾土性尙壯有秋頻賦良以此故而不知研究土宜振興實業沿陋就簡地利未盡誠足惜也況平地最少借山開田專恃人力牛犁之用一無所施此尤苦之事夙鮮蓋藏荒年無備斯爲可慮

工無技巧且去通都大邑較遠轉運銷售之不便故製造不興土人仍沿儉素之風但取服用苟完不求美備是以土木陶冶而外餘藝不多見焉亦地勢人情有以限之

商無專業一肆列貨多至數十百種有上自紬緞下至葱蒜之說以燒鍋爲大宗境內現有數家資本尙稱殷實當地所產糧石恃此爲銷路商人以直隸山東兩省爲多錢法終未疏通猶有以粟易布帛之風焉

按此地商人盡外省人氏所獲餘息均移轉他處亦利權外溢之一弊本地居民業者無幾此事驟難挽回特爲隱患不可不知耳農人嗜飲以糧易酒若無吝惜燒鍋所由稱盛亦鄉僻不知節儉之處也冠之加之禮未能遵古制舉行鄉間行婚禮時俗謂之成人筮日筮賓自此鄉人而以字稱之尙有冠禮之義

按冠禮之加責成人也重之曰國本望人之意甚殷而維持義禮之意爲尤切矣化民成俗者可忽乎哉

婚禮父母爲主無父母則尊長主婚其無親族不得不自爲主者亦有之先是兩姓通媒妁議有成說男家擇吉具束備綵布并環釧脂粉之屬邀戚友偕媒人致送女家女家內眷携女出見酒食款接收所賚禮物是爲下定亦曰過小禮即古納采之意迎娶前五六月以服笄花酒等物送女家名曰過大禮即古禮納徵之意惟聘禮以銀爲主豐者二三百金儉者六七十金不等至衣服各事均由女家開單媒人兩造商搓斟酌製備婚期將近媒人送庚帖於女家俗呼曰年命帖並以麪食相餽取日進蒸騰

之義與古禮請期之意相符婚期前一日新郎盛服拜祖祭墓及尊長各屬披紅乘馬賓客數輩亦乘馬陪行鼓吹旂鑼前導綵轎隨行繞行村市俗呼曰走轎鄉僻無綵轎可賃以車代之飾以紅布次日親迎鼓吹導從如前並有娶親女賓一人乘車同往新郎乘轎及門女之兄若弟詣轎前揖婿亦答拜相將至客室少憇引婿拜祖先及岳父母並外姻尊屬入內室女肅妝坐壻至相向坐女用竹箸擲牀上婿取一二雙而出送親女賓以粳飯食女女含而嘖之以紅帕覆女面女諸父兄弟抱送轎中諸姑伯姨送之婿家新郎先歸設香案於院內綵轎入門二女進寶瓶女賓扶新婦下踏紅氍毹詣香案前立俟婿行九叩禮畢扶新婦入室門限覆以馬鞍新婦邁此而入新郎用秤桿挑去新婦首帕置屋上預以袋貯紅糧置床前上橫以斧斧者取與福字之音同借吉言也新婦履福升牀向吉方坐及昏高燒紅燭酌酒兩杯以紅絲繫古錢置杯中新夫婦交飲此即古合卺之意也是日親友以禮物相賀俗呼曰上禮主人設酒筵欸待以酬雅意新郎當筵叩謝俗呼曰拜席婚之次日夫婦盛服拜祖先及翁姑至尊長與至親長輩均受拜各出簪釵等物相答俗呼曰上拜娶親三日內鼓樂不止謂之曰吹三朝此風始自金復懷邑亦習而沿之矣他如生男懸弧生女設帨斯尚有古風之遺焉

按婚禮之行百里不同風此言甚確禮從宜使從俗君子亦以此說爲然惟抱轎應改爲扶轎獨拜應改爲同拜此移風易俗中之要事而不可或忽者也違衆從下尙其勿忘宣聖維禮之深心乎

喪當死者彌留之際爲易新衣舁放靈牀上即古易簀之意氣絕後以錢二枚或銀少許納口中以代飯孝子躡踊出高呼大路西行者三謂之曰指路即備穀米湯水香楮各物哭奠於里社之廟每日朝午夕三次俗呼曰送漿水或日或三日棺殮即日孝家成服子女用斬衰男冠孝巾以白

懷仁縣志

卷五

六

布半幅繞額前向後結之垂與斬衰齊女用整幅白布折疊縫衽以覆首散髮括之以麻男女俱以麻縑束腰杖以紙裹秫稽爲之用代竹與桐也三日傍夕備芻靈香楮哭焚於廟或於衢路俗呼曰送三或三日葬或七日葬俗呼曰兇葬不俟諷吉停放日多者湏另擇吉日安葬安葬前一日爲開弔親友賻以麪食香楮各物亦有以輓嶂輓聯猪羊致祭者視兩家來往之厚薄爲定來弔詣柩前行禮孝子匍匐謝詰朝發引遷柩於喪輦孝子執紼孫執紙旛前導孝眷哭泣輿隨戚友亦相送至塋區壙深四五尺舁柩其中覆席代槨孝子掬土者三乃封墓崇約三尺致祭舉哀畢孝家各釋麻縑橫披墓上植杖於旁束髮納履歸書牌位致薦不立木主不繪遺容葬後三日詣墓致祭孝子繞墓三匝培土培之俗呼曰圓墳每七日致奠一次以七七四十九日畢厥事百日薙髮換服墨衰三年乃除紳富各戶成主家奠遵制舉行多不與此相同

懷仁縣志

卷五

七

按古人制喪禮所以令人展孝思也竭情盡愼必致乎哀而止於此尙見守禮者不失其本至舉辦規模未能一致祇緣懷邑居民均來自外省各沿其習以致如此耳

祭先之禮每年元旦清明七月十五十月朔除夕行之或祀於家或奠於墓事不一致各節之中以元旦爲盛

按追遠之禮欲人不忘本也優乎見愼乎聞其誠意之所結想像形容遂覺警效之宛在聖人每祭必與後世應取法焉愼勿昧古人維世之深心竟謬指來格來享爲無實驗而以徒尙虛文目之事死如事生事亡如事存各盡其孝思可也

立春之日行迎春禮民間或作嬉春之戲於東郊

元旦昧爽盛服設香燭禮 天地神祇次祀竈神先祖拜父母尊長舉家團聚食水餃子取新交子之義俗謂餃子形似元寶因此家家食之以倡

吉兆此鄉人誤會其事應以前說爲是城市鄉屯各具衣冠互相拜謁俗呼曰拜年戚友家有小兒者贈以番蚨名曰增歲錢農戶以正月初八九十各日占驗歲時如此三日天氣和煖人必平安物必豐收民間望歲之心最切於此可見

上元日號曰燈節家家供獻元宵通衢翦綵張燈施放花爆鄉人作劇呼曰秧歌比戶歡迎謂此可以驅逐邪疫與儻之義相符雖近戲猶有古禮存焉

仲春扶犁 先農壇未修就東郊田間搭蓋蘆棚遵祀典舉辦宣講

聖諭廣訓官紳席地聽講此外別無祈穀之祀

端午以角黍粉團等物爲供獻並以此餽贈家家懸繭虎蒲艾於門首中秋各備瓜果月餅中宵設香案於院中祀月此事鄉僻行之者甚少先期亦以月餅等物互相遺送

懷仁縣志

卷五

八

十二月二十三日以春錫祀竈神餞陞酒前名曰醉司命

十二月初八日彙棗栗黍豆等炊而爲食名曰臘八粥

鄉飲之典未舉每年正月杪各集鎮鄉屯公約鄉人商辦事件名曰會茶備酒食歡飲而散此有古鄉飲酒之義

賽田之事無專舉鄉間每以三月十六與六月初六等日會於里社之祠祀山神虫神各神共食餽餘此即爲農人報賽之日又與古黨正蜡祭相似至以田地收數較量豐歉以爲勝負茲無此俗

祈禱惟旱乾之時以求雨爲急農人頭束柳枝呼天乞食昇龍王牌遇廟宇即焚香叩祝雨後報祀名曰謝降巫覡此地呼曰乂馬鄉人請治病症名曰跳神愚夫愚婦多被所惑疊經嚴禁此風漸息

賓主相見一揖爲常行禮城市頗講請安以握手爲最相親熱送客出門鞠躬致敬雖見尊長輩行大禮者甚少遇慶弔主人設饌款接尋常酒食

相邀各尙往來

按此地居民多來自外省四方雜處風俗因難純一勢必善者因之陋者正之雅化雲興可跂而待也

論曰禹貢分九州詳土壤不載風俗以爲小民習尙隨化導爲轉移懷邑邊荒開闢已三十有餘年矣風氣古樸人安耕鑿澆漓未染卽文明無難驟躋也司風化者尙其知之

懷仁縣志卷之五終

懷仁縣志

卷五

九